

CHAPPELBRUGG

TEXT UND MELODIE: ADRIAN KLAPPROTH

1.

VOR LANGER ZIT BISCH DU EN WEHRGANG GSI
ALS MITTELALTERLICHE SCHNUFER
ZUM SCHUTZ VO DE STADT GÄGE N'OFFNI SEE
ZWÜSCHE DE MURE A BEIDNE UFER

FROMME LÜT DIENSCH DU ALS CHILEGANG
ZUM WASSERTURM ALS TROCHNE WÄG
UND ZUM DANK HEND'S DICH MIT BILDER GSCHMÜCKT
JETZT BISCH E BRUGG, KEI SIMPLE STÄG

SIEBE JOHRHUNDERT HESCH BALD ÜBERLÄBT
JEDI KULTURLAG, JEDI MODE, JEDE GÄG
HESCH NUR MÄNGISCH ES FACE-LIFTING BRUCHT
NEUI BRÄTTER UND DU BISCH WIEDER ZWÄG

REFRAIN

HEI LADY CHAPPELBRUGG
STOLZ, US HOLZ UND WUNDERSCHÖN
FÜERSCH ÜS ÜBER D'RÜSS UND WIEDER ZRUGG
JOHRI, JOHRUS UND OHNI KLÖHN

WIENES HÄRZ GHÖRSCH DU ZU ÜSERE STADT
UND OHNI DICH, S'ISCH INTRESSANT
FIEL TROTZ ALLNE ANDERE BRUGGE
LOZÄRN GLAUB USENAND

2.

DO, AMENE TAG IM MORGEGRAUE
BRÖNNSCH DU WIE LÄTZ UND LIECHTERLOH
UND USSER DEM SPINNER, WO DICH AZÜNDT HED
ISCH KEI SEEL Z'LOZÄRN MEH FROH

DOCH D'FÜRWEHR RETTED, WAS SIE CHA
D'STADT BESCHLIESST, DICH Z'RENOVIERE
UND JETZT CHÖ'MER WIEDER I DE GANZE WÄLT
MIT DIER ALS WOHRZEICHE PLAGIERE

UND SO BLITZED UND CHNIPSED D'JAPANER
WEND SICH VEREWIGE UND LÖND NED LUGG
FRANZOSE, INDER, AMERIKANER
JEDE MIT ÜSEM STAR, DE CHAPPELBRUGG

REFRAIN

HEI LADY CHAPPELBRUGG
STOLZ, US HOLZ UND WUNDERSCHÖN
FÜERSCH ÜS ÜBER D'RÜSS UND WIEDER ZRUGG
JOHRI, JOHRUS UND OHNI KLÖHN

WIENES HÄRZ GHÖRSCH DU ZU ÜSERE STADT
UND OHNI DICH, S'ISCH INTRESSANT
FIEL TROTZ ALLNE ANDERE BRUGGE
LOZÄRN GLAUB USENAND

3.

UND DÖRFT ICH, WENN MOL MIS ÄNDI CHUND
EI WUNSCH HA, EIFACH SO
WÄR'S AME WUNDERSCHÖNE TAG
MIT WACHE SINN ÜBER DICH JE Z'GOH

ICH GHÖRTI MINI SCHRITT UF DIER
D'RÜSS UND D'GRÜSCH VO DERE STADT
UND LUEGTI MICH IN RUEH RUNDUM
A DERE SCHÖNHEIT NOMOL SATT

REFRAIN

HEI LADY CHAPPELBRUGG
STOLZ, US HOLZ UND WUNDERSCHÖN
FÜERSCH ÜS ÜBER D'RÜSS UND WIEDER ZRUGG
JOHRI, JOHRUS UND OHNI KLÖHN

WIENES HÄRZ GHÖRSCH DU ZU ÜSERE STADT
UND OHNI DICH, S'ISCH INTRESSANT
FIEL TROTZ ALLNE ANDERE BRUGGE
LOZÄRN GLAUB USENAND

JUNI 2004

Auf CD „Bis zu mim letschte Schnuf“